



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



**E fetoha
seoa**

2

**A hloka
litsebo**

5



FEME E BA FETOTSE MAKHOBA



Access Our Books on Akello Library!

Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore



<https://library.akello.co/downloads>

Follow the link

bookcentre@mazenodprinting.co.ls

Need guidance? Call/ / WhatsApp: 27 350562 / +266 57396597

MOELETSI

Khalefo ke ea'ng?

Letona la Lichelete le Meralo le ile la halefa nakong eo Molula-Setulo oa Komiti e alositseng Tšebeli-so ea Lichelete tsa Sechaba (PAC) a neng a fana ka likhothaletso mabapi le lichelete tsa bahlanka ba phomolong. Letona le bontšitse ha litho tsa komiti, e leng maparamente li hloka litsebo tse amanang le litaba tseo. Leha ho le joalo litho tsa ntlo li ile tsa kopa Motlatsi oa Motsamaisi oa Lipuisano Paramenteng ho khalema letona ka matla, hape hore le hule mantsoe ao. Ana letona le bua 'nete kapa chee le ile la nkoa ke pelo feela? Mosi o ke ke oa kunkela ho se mollo, ka hona taba eona e teng moo.

Basebetsi ba feme ea LUGY's ba bontša ba sebeletsa lefela kaha mohiri a ipapalla ka bona ka ho se ba fe meputso ea bona. Ho feta moo o re ba ee hohle moo ba ka thusoang. Setho sa Ntlo ea Bakhethoa se re se ile sa leka ho shebisana litaba le eo empa a re setho se rata ho itšunya-tšunya litabeng. Ho bontša hore mohiri enoa ehlile h'a na taba le ho tsotella batho, kapa ho na le seo a se tšepileng, Mongoli-Kakaretso oa Mokhatlo oa Workers Trade Union o re le bona ba lekile ho shebisana litaba le eena, eaba o ba fa chelete e kaalo ka M500.00. Mohiri ho bonahala a hlile a e tšepa chelete ena hobane basebetsi ba bontša ba se ba fuoa eona, empa ba lokela ho fuoa meputso e feletseng, chelete ea ho sebetsoa kamor'a lihora tsa tšebetso 'moho le ea ho tla mosebetsing ka Matsatsi a Phomolo.

Litabeng tse ling litho tsa PAC li bontšitse ho se khotsofale ke tlaleho e sa hlakang e tekiloeng ke Kamphani ea Motlakase ea Lesotho (LEC), eo litokomane tsa eona li sa tšoaneng ka matsatsi. Mookameli oa LEC o itse qholotso e kholo ke ea marang-rang a bolokang litlaleho tsa lichelete, ka hona ho e hlola ba se ba buisane le kamphani e fanang ka litšebeletso tse joalo ho tla a ntlafatsa. Ke hore LEC e ne e hloka e be e hlahe kapel'a PAC hore e lokise marang-rang? Lichelete tsa baji e leng Basotho li ntse li oelella feela ho se ponaletso? Ha se khale ha ho nyolloa motlakase, joale potso ke hore na ehlile ho ne ho hlokahala nyollo kapa litlaleho tse sa hlakang tseo ke tsona sesosa? Kannete ruri botsamaisi ba LEC ha bo nkele litokelo tsa sechaba hloohong.

Letona la Mesebetsi ea Sechaba le Lipalangoang le arabetse selo sa bahoebi ba likoloi tsa baeti, sa likoloi tse bonahalang li nka baeti kathoko ho molao. Pele ho ka etsoa qeto mabapi le tseo tsohle, ho hlokahala ho lateloe methati e nepahetseng, 'me e meng ea eona ke ho batla maikutlo a sechaba mabapi le polomiti ea E, hore e sebetse ka makhethe joaloka ka ea C le D. Ngongoreho e ile ea e-ba hore na seo ha se tl'o fa likoloi tse seng molaong monyetla, empa letona le tiisitse hore ha ho le ka mohla ba ka fang likoloi tse joalo monyetla. Litaba tsena li tlišitsoe ke Mokhetsoa oa Bobatsi ea neng a ronngoe ke bahoebi.

Taba e 'ngoe e hlophisang sechaba botsitso ke lithekefetso tse etsetsoang bana, ekaba malapeng, metseng kapa likolong. Ebe banna ho senyehile kae ha le futuhetse le ho sotla liporopotloana tsee tse se nang molato? Ha le batle le bona ha ba fihla lilemong tsee tsa lona ba ntse ba phetse hantle 'meleng le kelellong? Tsela eo lithekefetso ena e seng e atile ka eona, ho ka nepahala hore ke seoa kapa koluoa. Bocha ke palesa ea bohlokoa haholo, etsoe le monate oa bophelo o qala nakong eo. Ha bo thunthetsoa ho hlakile hore Bokamoso bo lerotho, kaha moloko o joalo e tl'o ba o lipelo li bohloko, o hlokanang thabo hape o hlohile ntho e 'ngoe le e 'ngoe e tenang borikhoe. Banna khoang liketso tseo tsa lona! Khutlang mekhoeng!

MOLIMO A BOLOKE LESOTHO LE BASOTHO

Tlhekefetso e fetoha seoa

Nthabeleng Seithleko

Motlatsi oa Mongoli e Moholo Lekaleng la Tekano, Bacha le Ntšetsopele ea Sechaba, Thabi Makhele o re litokelo tsa bana ke litokelo tsa mantlha tsa botho li lokela ho hlonepshoa le ho fuoa seriti, le hoja ho bonahala li hatikelo. O boletse sena 'mokeng oa bo-ralitaba oa la 20 Motšeanong monongoaha.

O re e le lekala ba tšoenyehile ke litlaleho tsa bana tsa lithekefetso likolong, metseng, malapeng le marang-rang ka litsela tsohle. O re Naha ea Lesotho e hlahella e le kaholimo ka litlaleho tsa bana le bacha ba ipolaeang e leng se nyarosang. Ka lebaka leo a

re ho bohlokoa hore re be sechaba se hlompang litokelo tsa mantlha tsa bana.

Lekala le etsa khoelehetso ho sechaba ke hona ho tlaleha liketso tsa lithekefetso ea bana, khatikelo ea litokelo tsa bona le maemo ohle a ba amang nomorong ea 116 e leng mohala o thusang litabeng tsa bana le 112 e leng mohala o tla lla sepoleseng se haufinyane le ketsahalo.

Mookho Motheo Lillane Bongoling ba Komiti ea Naha e shebaneng le Tšireletseho e Polokeho ea Ngoana, o itse ba tšoenyehile ke litlaleho tsa lithekefetso ea bana tsa letsatsi le letsatsi, ka lebaka leo lithekefetso e se fetohile seoa kapa koluoa kahar'a sechaba.

Ho latela boithuto bo ileng ba etsoa ka selemo sa 2020 mabapi le bacha le bana

litabeng tsa lithekefetso ho bonahala lithekefetso e ntse e phahama, ka hona sechaba se lokela ho tseba hore lithekefetso e ama maikutlo a sechaba, kholo le ntlafalo ea sona haholo bacha e leng bokamoso ba naha.

A re lithekefetso e ama bana likelellong le kholong ea bona ka lebaka leo ho bohlokoa hore bohle ba nke boikarabello ho e thibela.

Ho feta mona Nthabiseng Letsie o supile ha Lekala la Khiri le Bosebetsi le e-na le moralo oa ho koetlisa bana metseng le likolong hore ba tsebe ka mohala oa thuso oo ba ka o letsetsang hore thuto e anele baneng ha bonolo. A re ho bontša ntlafalo tšebetsong ea bona mesebetsi eo ba e etsang e fapakaneng ho thusa bana nakong eo lithekefetso e etsa-hetseng kaha ba lokela ho boloka seriti sa bona 'moho le malapa ho na le likhato tse nkiloeng ho batho ba bangata empa e se litaba tse phatlalletseng le naha.

John Mohlouoa ho hlaha Lekaleng la Toka le Molao, o supile hore Komiti e shebanang le Litokelo, Tšireletseho le Polokeho ea Bana e qalile tšebetso ka selemo sa 2010, empa boholo ka nako eo e ne e sebetšana haholo le lithoko tsa bana mabapi le HIV 'me ba sebetsoa e le makala a fapakaneng ho neheletsana tšebetso ho bona hore tšireletseho ea ngoana e ba ka sehloohong.



Thapelo ea Basotho

'Mopi, Hlahlamacholo, Ramaseli, Rammoloki Atla li maroba, Atla li marotholi a pula, Atla li tšoeu tsa Rammoloki, Li tšoeu ke ho bopa masea, Hobane bohle re 'mopo le mosebetsi oa matsoho a ona. Hlahlamacholo hlahla metsi o'a etse keleli ea sehla sa Mariha, Hobane ka keleli u nchafatsa lichaba teng, Lichaba li tsoang ho uena 'mopong, Li tlang ho boela ho uena meahong. Ba meolim-eololo, ba lumang lingope ho theleha. Ntšang tšoeu le nehe 'Mopi le tle le bone ha 'Mopi o thaba, Hobane Baholo-Balimo bona ba thabela likhalapa. Ba re ho be ho soeu, ho be malola, Ho be hele-hele pele le morao. Ho iloe kae ke Bo-ntate-moholo le Bo-nkhono ho sa keng ho khutloa, Ho iloe ha sekoti ha se tlale. 'Maakane joo! Ka 'Mopi ra le bona.

'Mopi oa Ramosholu-shololo litsohali Bo-nkhono ke bana ba labalabela matlala. Matlala b'a bona ka'ng a anetse, b'a bona ka ho theha mekhanya liphatleng tsa bona. Malataliana-tsela ngoana Rae e moholo ke mang, pitsana ha e na khobe, le e 'ngoe ha e na khobe. Qhaqholla u re qiti! Moshanyan'a sankatana le kholumo-lumo. Ho iloe kae ke bo-Mmabana, ba ile masimong.

Ba siile masea ka liotloaneng. Liotloana tseo ha li hole li sireletse masea. Ka bona Bo-ntate-moholo le Bo-nkhono ba lutse ka shoalane mollong le litlohotloholoana tsa bona ba li etsetsa litšomo tse monate;

Bo-limo le Tselane ka ba ka utloa ha ba ba etsetsa lilothe tse monate; bo-mmenthele o hlotse baruti.

Leseli! Khanya!

Contacts: +266 28350 466

62600983 WhatsApp

Email: newsroom@moeletsiabasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO

Editorial

Lesoetsa Rakubutu

(+266) 6203 1949 / 58490670

EMAIL: editor@moeletsiabasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seithleko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

Lekala le bulela bahoebi ttholisano

Nthabeleng Seithleko

Mookameli Lefapheng la Lipehelo le Boleng ba Lihlahisoa, Lekaleng la Khoebobole le Mesebetsi e Mehola, Molebatsi Rabolinyane o re Basotho ba lokela ho netefatsa hore ba fana ka lihlahisoa le litšebeliso tsa boleng likhoebong tsa bona e le ho fana ka tšepo ho baji le molemong oa moruo o tsitsitseng. Litaba tsena li hlaheletse 'mokeng oa bo-ralitaba oa la 19 Motšeanong monongoaha.

Morero o moholo oa lekala ke ho etsa tlhokomeliso ka bohlokoa ba boleng ba lihlahisoa le litšebeliso hore qetellong lihlahisoa tsa linaha li hape mebaraka ea machaba. O re mang kapa mang eo khoebo ea hae e fanang ka litšebeliso tsa boleng o ba monyetleng o motle oa khoebisano le linaha tse ling, ho hapa botseteli, ho fumana baji le ho ntlafala.

Ka hona o itse ho bohokoa hore batho bohle ba latele methati e nepahetseng ho bona hore tlhahiso ea bona e ba ea boleng ho matlafatsa khoebo, kholo le ntlafalo ea moruo oa naha kaha kholo ea khoebo har'a mesebetsi e meng e meholo e eketsa mesebetsi



le ho hohela batseteli.

Rabolinyane o re lefapha la habo le ikemiselise ho bona hore bahlahisi ba fihlela meoloane eo lefapha le e behileng ntlheng ea boleng e le hore ba be monyetleng oa ho rekisa kantele ho naha, e le mokhoa o motle oa ho lokisa kholo ea likhoebo le moruo oa naha.

A supa ha taba- tabelo ea bona e le ho bona hore likhoebo tse teng kahar'a naha li be le lihlahisoa tse holimo tse imatahanyang le boleng ba lihlahisoa tsa machaba, hore li be monyetleng oa ho hloisana le likhoebo tse ling.

Ho feta mona, Raliphatlatso oa Lekala lena, Lipehelo Nkaota o hlalositse ho le molemo ho hlahisa lihlahisoa tsa boleng kaha ho

thusa ho hohela batseteli, ho bapatsa lihlahisoa machabeng, ho khutlisa tšepo ea baji le ho e boloka. O

itse ho bona hore Basotho ba latela mekhhoa ena ea tšebetso lefapha le tla ba le ttholisano ea likhoe-

bo tse ipabolang ka phano ea litšebeliso tsa boleng le besebeletsi bo tsoileng matsoho e tla qala ka khoeli Loetse monongoaha, ha e tla buleloa ka ea Pulungoana monongoaha.

Bahloli ba tla fumana monyetla oa ho kenela littholisano tsa Mokhatlo oa Ntlatfatsa (SADC) isao. Bohlanka bo ipilelitse ho bahoebi ho kenela littholisano tsena kaha li tla ba bulela mamati. Ba boea sekoeele kamor'a ho khafusa ka selemo sa 2017 ka lebaka la khaello ea lichelete 'me ha joale ba se ntse ba sheba hore na ke mekhhoa efe e ka sebelisoang hore ba fumane tšebetso hore mosebetsi ona ebe oa mo-shoelella.



'Muso o lokisa seporo



tse qalang ho etsoa. A re sebakeng sa litsela tsa letšoana ba tl'o sebelisa chelete e kaalo ka M587,8 Millione, ebe tokisong ea tsela ea letšoana e ba M440,4 Millione.

Ho fihlela hona joale o re ba sebetsa hape ka letšolo la titima le reretsoeng ho

bona hore hohle moo tlakotsi e hlahileng teng joaloka tšenyeho ea marokho a kpanyang metse le litsela, ba bone hore ba lokisa boemo boo ka potlako hore sechaba se phele se bolokehile. Ka hona o itse titima e abetsoe M57,3 Millione e tla sebetsa naha ka bophara.



Nthabeleng Seithleko

Muso oa Lesotho o tla kena tšebetsong ea kha-ho ea borokho ba Tebelong Qacha's nek. Litaba tsena li hlaheletse 'mokeng oa bo-ralitaba moo Setsi sa Litsela se neng se teka moralo oa sona oa tšebeliso ea lichelete, ka la 19 'Mesa monongoaha.

'Matšireletso Lepheana Mookameli Lefapheng la Lichelete, o supile hore setsi se behelletse ka thoko chelete e kaholimo ho M2 Billione, e tla sebetsa ho aha marokho le litsela tsa letšoana, 'me chelete e tla sebetsa selemong sena sa lichelete e bokelletsoe mekhahlelong e mene.

O tsoetsepele hore 'Muso o fane ka M1,737 Billione bakeng sa litsela, ha Road Fund e fane ka M3 Millione

ho lokisa litsela e leng chelete e bokelloang likeiting le malibohong le libakeng tse ling, Banka e Kholo ea Lefatše eona e fane ka M2 Millione, eaba Lefapha la Ntšetsopele ea Meralo le fana ka M53 Millione.

Har'a mesebetsi eo setsi se reng se tl'o e etsa ke ho lokisa seporo sa terene, litsela tsa lehlohlolane le tsa letšoana le khaho ea marokho. O re ba tl'o lokisa litsela tse se ntse li le teng e seng

MOELETSI O TŠEHETSA BACHA



Tšeliso Thakholi

Mosebetsi oa leruo la likhoho tsa Sesotho le makau ke o mong o ra-toang haholo matsatsing ana ke bacha naha ka bophara. Sethathong o ile oa tsebahala haholo e le oa batho ba holileng. Morao tjena ho bonahala bacha ba etsa mesebetsi eo linakong tsa ho feta e neng e tsejoa haholo e le ea batho ba baholo. Ho boetse ho na le bahoebi ba etseng hloko bohlokoa ba leruo la likhoho tsa Sesotho le makau kaha ba hlokometse menyetla ea ho tsetela tlhahisong ea leruo lena. Ke ka hona Liteboho Mojakisane a thehileng Mokhatlo oa Leruo la Likhoho tsa Sesotho le Makau ka more-ro oa ho thusa bacha ho tseba haholoanyane ka likhoho tsa Sesotho le makau. Re ile ra khahloa ho buisana le eena, 'me o li behile tjena:

U tsoa hole hakae le mosebetsi oo?

Hantle ho tloha ke sa le monyenyanane ke hotse ke rata maeba ana a ruang malapeng, likhoho le makau haholo kaha ke ile

ka ithuta hore li bohlokoa bophelong ba motho ka mong. Ka kena lithupelo tse ngata 'me ka ithuta mekhoha e fapakaneng ea ho rua mefuta ena e 'meli le thekiso har'a e meng ea melemo ea tsona. Ke ha ke tla hlokomela hore bacha ba lokela ho tseba haholo ka leruo la likhoho tsa Sesotho le makau ka morero oa hore ba tle ba tsebe ho iphelisa le ho tsoa bofumeng le tlhokahalo ea mesebetsi.

Eaba u fihla joang boemong ba ho theha mokhatlo?

Joalokaha ke ile ka bolela hore ka lebaka la lerato la leruo la maeba le likhoho ke ile ka kena lithupelo tse 'maloa tsa leruo la makau, tseo nka nkang nako e telele ho li lokolisa ka lebaka la bongata ba tsona. Ka sele-mo sa 2010 ha ke qeta ho phethela lithuto tsa ka Sekolong se Seholo sa Sechaba(NUL), ke bile lehlohonolo la ho fuma-na koetliso ea ho tseba ka makau hore na hantle ke'ng, a tsoara joang. Ka-mor'a hore ke tsebe tse-na tsohle, ka selemo sa 2013 keha ke tla theha mokhatlo oa likhoho tsa Sesotho le makau moo re rupelang bacha ka leruo lena. Mokhatlo ha o e-s'o ngolisoe ka molao kaha

ha re e-s'o o rehe lebitso, 'me re salletsoe ke ho etsa molao oa motheo le lintlha tse itseng tseo re ntseng re etsa boithuto ka tsona tseo re lokelang ho li phethela.

Ke sefe se ileng sa u hohe-la hore u qetelle u fihlile boemong boo?

Ke itse ke se ke e-na le litsebo tse batsi ka leruo la makau, hoo ke boneng ho le bohlokoa hore mosebetsi oa ka e be ho sebetsana le ona kaha ke bone hore bophelo bo teng leruong la makau. E meng ea merero e entseng hore ke qetelle ke

fihletse boemong bona ke hobane ke lakatsa ho hlahlella bacha ba heso ka malebela ka ho ba ruta ka botebo leruo la likhoho tsa Sesotho le makau. Ba tsebe ka melemo le bohlokoa ba tsona bophelong ba bona.

Re boetse re ntse re itl-hophela ho tla etela bacha metseng moo ba phelang teng re ba ruta le ho ba hlokomelisa ka leruo la makau, ho ba a teng metseng moo ba phelang leha a sa tsoaroa hantle. A rueha habobebe haholo. Bosieo ba likhoho tsa Sesotho le makau

metseng mono moo re phelang teng, bophelo ba rona bo ka ba tlokotsing e kholo. Ba bang ba se ba qalile ho kena litšenyehelong tsa ho ea lata likhoho tsa Sesotho le makau linaheng tse ling, empa ka tlholeho re ne re ntse re e-na le tsona.

Ho bile thata kapa ha eba bonolo ha kae ho fihlela moo u teng?

Ha ho e-s'o be bonolo ho hang kaha re ntse re sokola ho fumana se-baka moo re ka li ruang ka bongata, kaha libaka tse teng li fokola ka palo. Ho feta mona re ntse re e-s'o fumane tšehetso ho tsoa ho bafani e le hore mokhatlo oa rona o tle o qetelle o holile.

Chebelo-pele ea hau ke efe?

Ke rata ho bona mokhatlo oa rona o ngolisitse ka molao o se o bile o e-na le lebitso. Empa takatso ea ka e kholo ke ho ba le setsi sa koetliso ea mefuta e fapakaneng ea likhoho le makau, moo ho tla hle ho koetlisoe bacha le batho ba baholo ka tlhahiso ea likhoho tsa Sesotho.

Keletso ho bacha

Bacha ba heso linako li re fetohetse ha re ikopanyeng metseng moo re phelang teng, re itheheleng mekhatlo ea leruo la likhoho tsa Sesotho le makau kaha li sa sokolise re tle re tsebe ho hlola bofuma, tlhobolo le tlhokahalo ea mesebetsi.



O re maparamente a hloka litsebo

Nthabeleng Seitlheko

Dr. Retšelisitsoe Matlanyane o re Komiti e alosit-seng Tšebeliso ea Lichelete tsa Sechaba (PAC), ha e na litsebo tse phethahahetseng ho alosa le ho etsa likhothaletso ka tšebetso ea letlole la lichelete tsa phomolo tsa bahlanka. Tsena o li buile Lekhotla la Sechaba ka la 19 Motšeanong monongoaha.

Letona la Lichelete ile la futhumala nakong eo Molula-Setulo oa PAC, 'Machabana Lemphane-Letsie, a fanang ka khothaletso ea PAC ea hore letlole le thehe lefapha la litsebi tse ike-metseng nakong ea khetho ea bafani ba litšebeliso ho lona. Se na se latela maphemphe a boto ka bafani ba khethiloeng ha joale.

Likhothaletso tsa PAC

Paramenteng Mohlomphehi Tšepang Tšita Moseni, ho khalema ka matla le ho laela Letona la Lichelete ho hula mantsoe a hore litho tsa Lekhotla la Sechaba ka Komiti ea PAC, ha li na litsebo tsa ho fuputsa le ho tlaleha ka botsamaisi ba letlole la lichelete tsa bahlanka ba 'muso.

Tlaleho e neng e ntse e tekoa ke Molula-Setulo oa PAC, e ile ea rakoa ke lengolo leo Motlatsi oa Motsamaisi oa Lipuisano a sa boelang hore na ke la mang, empa le amana le litaba tse ntseng li tsoelapele ka lebaka leo a phomotsa ntlo ka le reng o sa il'o ithuta lona.

Hona litabeng tse tšoanang ka la 21 Motšeanong 2025, Motlatsi oa Motsamaisi oa Lipuisano Paramenteng o ile a hlalosa hore lengolo leo a sa kang a le bala ke le neng le ngotsoe ke e mong oa setho sa boto Futho Hoohlo ea reng h'a beloa toka kaha a sa

CPF). A re komiti e fumane hore CBL e tšoare letlotlo le ka bang M800 Million le kentsoeng ke letlole lena, 'me sena se baka likhohlano tse ka tlisang hore ho se be le taolo ea letlole. Hape ho hlakile hore Mongoli e Moholo oa Lekala la Lichelete le Meralo eo CBL e mo tlalehelang, ke eena hape Molula-Setulo oa Letlole ea ka tloisang litaba mahlo holimo.

Likhothaletso tsa komiti ke hore letlole le lokela ho lefa chelete e lokelang ho fuoa molaoli sebakeng sa litšebeliso tse fanoeng mabapi le ba sa tšeleng (Nil Contributors) le puseletso. Khetho ea NBC e le molaoli ho tloha ka la 26 Thlakubele 2020 (letsatsi leo nyoe) e lokela ho lokisoa ho late-la molao oa PODCPF oa 2008.

Matlanyane o ile a hlalosa ha komiti e fane ka tlaleho e se na bopaki kaha boto eo e tsamaisang letlole e koetlisitsoe.



tse tekiloeng ka la 20 Motšeanong monongoaha li kenyeletsa hore molao oa tsamaiso ea letlole o hlalajoe, le hore bafani ba litšebeliso le letlole ba buisane hore lichelete tsa bafu li sebetsoe ka pele, le hore moo ho nang le mofu ea seng a sa lefe ho hlokomelehe ka pele.

Ho sa le joalo, Litho tsa Lekhotla la Sechaba li ile tsa ipiletsa ho Motlatsi oa Motsamaisi oa Lipuisano

fuoa monyetla oa ho ikarabella kapel'a komiti empa eo o supile hore komiti ea PAC e hlalositse hore e tla arabela lengolo leo le ho mamela sello sa hae.

Ka hona Molula-Setulo oa PAC o ile a tsoelapele ka tlaleho ea komiti moo a supileng hore Banka e Kholo ea Lesotho (CBL) e bonahala e sa phethahatsa mosebetsi oa eona oa taolo mabapi le Letlole la Lichelete tsa Bahlanka (POD-

Machesetsa Mofomobe o supile hore Letona la Lichelete le Meralo le ema khahlanong le tšebetso ea likomiti le hoja likomiti tsa paramente li sebetse ka ho botsa lipotso, ho etsa liphuputso le ho fumana bopaki tšebetsong ea tsona. O buile tsena a thula letona la lichelete le reng PAC e iphosisitse tlalehong ea eona ea letlole ka hore boto ea eona ha e na litsebo tsa mosebetsi.

Le bokella maikutlo a bahoebi



Nthabeleng Seitlheko

Letona la Mesebetsi ea Sechaba le Lipalangoang Mohlomphehi Matjato Moteane le re kopano le Mekhatlo ea Likoloi tsa baeti e reretsoe ho bokella maikutlo ka tšebetso ea polomiti ea E hore e sebetse hantle joaloka ka ea C le D. O boletse tsena tulong ea la 19 Motšeanong a arabela potso ea hore na polomiti ea E ha e na ho baka mofere-fere khoepong ea likoloi tsa baeti kapa ho kenya likoloi tse seng molaong ho nka baeti.

O hlalositse hore molao o sebelisoang ke lekaleng la habo ke oa khale ka lebaka leo o lokela ho nyakureloa le ho ntlafatsoa hore ba tsebe ho fihlela tšebetso eo. A re ntho e kholo ho bona ke pokello ea maikutlo a sechaba, a tla thusa hore ho boptjoe tokomane e le 'ngoe e tla sebelisoa ho etsa molao. A re ha ho kamoo ba ka bulang kheea sebakeng sa likoloi tse seng molaong oa ho nka baeti.

O re seo ba se etsang sechabeng ke ho fana ka thuto ka kameho le tšebetso

ea polomiti ea E, C le D e le ho qobisa beng likoloi ntoa le ho rarolla khang e bang teng. A re liqeto li tla etsoa kamor'a hore letona le fumane tlaleho le likhothaletso ho hlaha ho boto kamor'a ho fumana maikutlo a sechaba.

A phethela ka hore beng ba likoloi ba khobe matšofo hobane ba ke ke ba bula phenyenye ea likoloi tšebetsong empa ho lokela ho be le taolo e le hore bohle ba sireletsehe.

Litaba tsena li latela hore Mokhetloa oa Bobatsi No. 80, Bataung Makhakhe a hlalise seboko sa bahoebi ba likoloi tsa baeti kapel'a paramente se reng ho bonahala ho e-na le likoloi tse nkang baeti li sena tokelo e joalo. O re taba ena e bohloko hobane e kenoe le ke mapolesa ka hona 'muso o lokela ho namolela bahoebi bana.

O re bao ba lefa lekhetho le litšebeliso tsohle empa khoebo ea bona e felisoa ke bahlanka ba sa keneng melao tšebetsong. A re lekala ha le ntse le bokella maikutlo a sechaba le loke-la ho ela hloko polokeho ea sona, ea khoebo le ho thusa ba leng seboko molemg oa khotso.

Mazenod BOOK CENTRE
22 322 213 / 27 350 562
mazenodbookcentre@gmail.com / bookcentre@mazenodprinting.co.ls

Phisoana Tšona M195.00
Malebela A5 M152.00, A4 M75.00

Mosali a Nkhola: M195.00
Lesotho lea ea: M150.00
Tholoana tsa Sethepu: M130.00

Libuka tsa sesotho

Karolo e kaholimo ho 500 e sebelisa ARVs

Nthabeleng Seitlheko

Motlatsi oa Komishinara ea Litsi tsa Tlhabollo ea Batšoarua (LCS) Lefapheng la Bophelo, Phoka Scout o re o mong oa mosebetsi ea setsi ke ho bona hore batšoarua ba phe-tse hantle nakong eo ba leng litsing, ka hona ba tsoere ka matla ho loan-tša mafu a tšoaetsanang joaloka Lefuba, HIV le mafu a likobo. Litaba tse-na o li boleletse Komiti ea Paramente e shebaneng le Mafu a Seoia ka la 19 Motšeanong monongoa-ha.

O re ba netefatsa hore batšoarua ba kenang ha ba tlise mafu a sieo litsing, ho qoba ho ba le likoluo. O itse ho thi-

bela mafu ana ba sebet-sa 'moho le balekane ba bona tšebetsong e leng Lekala la Bophelo.

Mooki Nkepile Thokoa Thabane o hlalositse hore lipalo tsa HIV li pha-hame ho batšoarua ba banna kaha bohola ba le lesisitheho tabeng ea ka-lafo. A re bohola ba basali ba phelang le tšoaetso ke ba tlokotsing, 'me taba ena e bakoa ke bo-ntate ba sa eeng litšebeletsong tsa bophelo,

Litsing tse peli fee-la tsa batšoarua, ke batšoarua ba ka holimo ho 500 ba sebelisang litl-hare tsa bophelo bohle, ebe ba 19 ba alafeloa le-fuba.

Ho sa le joalo Mokheth-oa oa Matsieng, Moshe Makotoko o bontšitse a se na thahasello e kaa-lo-kaalo hore bophelo ba

batšoarua bo ka nkeloa holimo.

LCS e hlahile ka pel'a Komiti ea Paramente e sebetsanang le Litaba tsa Mafu a Seoia ka la 19 Motšeanong 2025, ho fana ka tlahleho ka boe-mo ba HIV/AIDS le Lefu la Lefuba (TB) lichank-aneng tsa Lesotho.

Tseba boemo

ba hau u

alafshoe



Say little, regret nothing

There's a Kenyan proverb that goes like "if you want no visitors never host a celebration in the village because even those uninvited will come." This proverb speaks so much volume for our lives. We think being alone is a crime, we should always have friends even if they add no value to our lives. If we can't make friends we feel pressured to bring people close to us by sharing information about us which makes us vulnerable to those

we shared it with, we are controlled by manipulation that if we fail to behave the way they expect then our secrets will be exposed. We are made to lose our identity because we opened our

ter option.

It is important to realise that we can't buy friendship by selling ourselves and our souls. When we share personal information we lose control of our life, the control is in the hands of those we shared it with. We should remember that the only time any information is safe is when no other person has access to it. We must operate on a need to know basis, before telling people anything we first need to ask ourselves if there is any value in sharing which will help us make informed decisions, if we can master this we will say little and regret nothing.

mouths when silence would have been a bet-

Teboho Matjeka
63574502/58911803

CSRORR e fihla pheletsong

Nthabeleng Seitlheko

Mookameli oa Morero oa ho ntlafatsa Thibelo le Taolo ea Likoluo (CSRORR) 'Mamoko-bo Lebeko, o re morero ona o fihla pheletsong mafelo a khoeli ena, 'me o atlehile ho anetsa thuto sechabeng haholo libakeng tse ka lithabeng le likolong ho bona hore sechaba se tseba ho itl-hophela likoluo. Litaba tsena li hlaheletse kopanong ea morero, ka la 20 Mots'eanong monongoa-ha.

O itse morero o atlehile ho anetsa thuto ho mabapi le taolo le thibelo ea likoluo, leha ho le joalo Basotho ba bonahala ba le leqe ho kenya letsoho mererong ea thibelo le taolo ea likoluo ka tumelo ea hore boikarabelo ke ba 'muso. A re leha morero o fihla pheletsong tjena empa taba-tabelo ke ho bona mafapha a amehang litabeng tsa likoluo a sebetse 'moho ho fokotsa ts'enyoo e ba-koang kahar'a naha le ho ntlafatsa thuto litabeng tsa likotsi.

A tsoelapele hore ho bonts'a bohlokoa ba hore Basotho ba fuoe thuto ka mekhahlelo ea bona e fapakaneng hobane batho ba bang ha ba tsebe mekhoe e nepahetseng ea ho ipholosa nakong ea tlokotsi, ho feta moo ba baka ts'enyoo le ho feta. Ka hona a re ho matlafatsoa ha thuto ho tla thusa

naha ho ba le sechaba se tsebang boikarabello ba sona ba ho itlhomkela nakong ea likoluo.

Teke Petje e mong oa barupeli, o supile hore mafapha a unneng molemo a mangata 'me har'a tseo ba li fihletseng ke ho theha lihlopha likolong tse koetlisitsoeng ka litaba tsa likoluo le mekhoe ea ho iketsetsa nakong e joalo. A re ha bana ba utloisisa litaba ba li tseba ho bonolo hore li fihlelle sechabeng kapele.

A re bahoebi le batho ba boithatelo bo botle ekare ba ka tseba ho kenya letsoho linakong tsa likoluo hobane malapa a mang a sala lepalapaleng, a mang ha a tsebe ho its'oarela ka matsoho. Ka hona o itse bohle re lokela ho kenya letsoho hobane ha se boikarabello ba puso feela ho bona hore sechaba se tlokotsing se fumana tharollo.

Mookameli oa Mafapha a amehang Litabeng tsa Likoluo (DMA) Ts'epang Maama, o hlalositse hore mosebetsi ona ha o phetheloa o sala matsohong a bona, ka lebaka leo e se eka bohle ba fumane thuto taba eo e ka phela metseng eseng ha morero o tsamaea ebe batho ha ba sa tsoelapele ka mesebetsi ea bona, kapa thuto e felle feela.

Are ba atlehile ho fihlela libaka tse sa fihleleheng habonolo Seterekeng sa Maseru, Mokhotlong, Leribe le Thaba-Tseka.

Morero o ne o thakholoe ka khoeli ea Phupu 2023 e le oa lilemo tse peli.

Mazenod BOOK CENTRE 27 350 562 / 57396597 (whatsapp) bookcentre@mazenodprinting.co.ls akello

SCHOOL BOOKS
now available on the Akello Online Library!

Here's how to access them:

1. Download the Akello Reading App.
2. Search for the book you want.
3. Purchase or subscribe online.
4. Download the book.

Enjoy reading offline anytime on the Akello App.

<https://library.akello.co/>

Feme e ba fetotse makhoba



Nthabeleng Seithleko

Setho sa Ntlo ea Bakhethoa 'Male-laka Malakane o bile le seboko sa phohomela tulong ea Ntlo ea Bakhethoa a ema ka ntlha ea tsamaiso, moo a reng Letona la Khiri le Bosebetsi le ke le tsoe puo hanong mabapi le feme e fetotseng basebetsi makhoba Maseru. Tsena li hlaheletse ka la 20 Motšeanong monongoaha.

O re basebetsi bao ba feme ea LUGY's ba ile ba mo kopa ho kena lipakeng ka le reng esale ba sebetse ha ba e-s'o fumane meputso, ho feta moo ba fuoa halofo kapa chelete e katlase ho eo. O re sello

sena se lokela ho fumane- loa tharollo hobane bana ba Basotho ba fetotsoe mak- hoba femeng eo, le mohiri o sebelisa matla hampe. O re litekong tsa ho fumana tharollo litabeng tsena, mo- hiri femeng eo o ile a mo bolella hore o rata ho itšun- ya-tšunya.

A ipiletsa ho ntlo ho seb- etsa litaba tsena kaha mo- hiri a se a etsetsa basebetsi litšoso, joaloka hore ba ee hohle moo ba ka thusoang teng. O re ntho e bohloko ke hore bao ba sebelitse empa ba sitoa ho arabela litlhoko tsa bona tsa kamehla ho kenyeletsa le lijo ha ba bang ba lelekoa moo ba phelang teng.

Rethabile Lesema e mong oa basebetsi femeng ea LUGY's o hlalositse sello sa

bona e le sa nako e telele kaha a hiriloe femeng eo ka la 9 Pherekhong monon- goaha, moo ba fihlileng ho na le mororo oa batho ba seboko ka ho se lefshoe meputso ea khoeli le khoeli. O tsoelapele hore ba ile ba lefshoa hantle ka khoeli ea Pherekhong empa ho tloha ka Hlakola monongoaha ho fihlela hona joale ba sebeli- tse mahala.

Mosebetsi ea roka- ng o lokela ho fumana M 2,776.00 ka khoeli, ebe ea sa rokeng o fumana M2,582.00 ka khoeli empa esale ho tloha moo ba fuoa M500.00 motho ka mong, hape ba sa fuoe chelete ea ho theohela kamor'a liho- ra tsa mosebetsi le ea ho theohela ka matsatsi a pho- molo.

O re se ba makatsang ke hore ha ba lokeloa ho fuoa chelete ea bona mohiri o ba bitsetsa khalemong kapa a bitse mapolesa ho ba ntša kahar'a feme ha ba lutse ba sa sebetse ka le reng bao ba entse boipelaetso ho se joalo. A re seo ba se hlo- kang ke lichelete tsa bona ka hoo ba kopa bohle ba ikarabellang ho ba namolela ho mohiri kaha a ba fetotse makhoba.

A re ba tšepile Lekala la Khiri le Basebetsi ho ba namolela hobane ba bang ba se ntse ba fuoa mangolo a teleko.

Mongoli-Kakaretso oa Mokhatlo oa Workers Trade Union, Bahlakoana Leba- kae o supile ha ba kopile thuso ho lekala 'me mohi- ri eo ba tla ea buisana le eena kapel'a ofisi ea letona kaha ho se motho ea mo hlomphang, 'me pejana ha ba buisana le eena o ile a ba fa M500.00.

O re ha ho khonahale ho latela Molao oa Khiri le Bosebetsi hore qetelong mohiri a sebelise batho a sa ba lefe meputso empa a thehile mesebetsi e me-



kalo e bile e hloka matso- ho a ba bangata. A re eo o bapalla ho Basotho, ka hoo ba tla mo isa Lekhotleng la Basebetsi e bang a ntse a satalalitse molala a sa lefe basebetsi.

Motlatsi oa Motsamaisi oa Lipuisano Paramenteng, Mohlomphehi Tšepang Tšita Mosena o ipilelitse ho Moetapele oa Ntlo ea Bakhethoa ho sebetse taba ena, le ho netefatsa hore Letona la Khiri le Bosebetsi le tliša karabo holima lita- ba tsena ka paramenteng, e le hore Basotho ba seke ba lahlehelo ke tšepo ho bona.

Ka lehlakoreng le leng, Moetapele oa Kobo-Tata ea Basotho (ABC), Nkaku Kabi o kopile ntlo ho tšohla tsela eo Lesotho le ka ithehelang mesebetsi ka eona e le ho hlola liqholotso tsa litefiso tsa lekhetho malibohong haholo a theko ea thepa, ho entsoeng ke naha ea Amerika. A re e bang Ameri- ka e tsoelapele ka nyollo ea lekhetho, Lesotho le tla lahlehelo ke mesebetsi e kang ea lifemeng ka lebaka lena ba hloka ho ithlopha esale nako.



lokelang, ka hoo ba lokise marang-rang ao kapele- pele ho khotsofatsa baji bao e leng Basotho.

Ho sa le joalo boholo ba litho tsa PAC li bo nts'itse li ngongorehile haholo ke ts'ebetso e bonahalang e le maphemphe ea LEC, ka hoo tsa ipiletsa ho eona ho lokisa marang-rang a eona a tšebetso ao ho tlaheoang tšebeliso ea lichelete ka ona, hore ponaletso e tsebe ho ba teng.

Litlaleho li liphoso-Letlela

Nthabeleng Seithleko

Motlatsi oa Mohlahlami e Moholo oa Libu- ka, Paul Letlela o re litokomane tseo Kam- pani ea Naha ea Motlakase (LEC) e nehelaneng ka tso- na kapel'a Komiti ea Para- mente e alositseng Tšebeli- so ea Lichelete tsa Sechaba (PAC) li ntse li sa hlaka kaha li entsoe kamorao hobane nakong eo ho neng ho et- soa tlhahobo lekhetho la pele li ne li le sieo. Litaba tsena li hlaheletse tulong ea komiti ka la 20 Motšeanong monongoaha.

O re litokomane tseo li hlahisoa tjena li bile li na le liphoso tsa matsatsi a sa lu- mellaneng, ka hona sena se lumellana le liphuputso tsa bona tse utullotseng hore ka nako eo ho ne ho se litoko- mane tse tekenetsoeng tse

teng li qeta ho etsoa e bile li etsoa ka phoso.

Mookameli oa LEC, Nthie Maphathe o hlalositse hore LEC e ntse e sebetse tlas'a maemo a hloabaetsang kaha mokhoa o sebelisoang ke eona oa marang-rang o ntse

khoeb e eo.

O re marang-rang a teng ha joale LEC a hloka ho nt- lafatsoa kaha ba se ntse ba le lipuisanong le mohlalasi oa ona, hore ba bone hore o ba fa marang-rang a ara- belang litlhoko tsa bona.



o na le qholotso ea ho bolo- ka ka ho tšala se etsahalang tššebeliso ea lichelete tsa

Molula-Setulo oa PAC, 'Machabana Lemphane Let- sie o itse o tšoenyehile ho-






MoB KIDDS

EDUTAINMENT

Puzzle MoB 93-4586



HO TŠEKALLA


- 5 Khomo e khunoana empa e na le botšo bo melana. (10)
- 3 Khomo e khunong le bosoeu bo farasaneng ka ho lekana. (5)
- 6 Khomo e khunoana eo bosoeu bo tšileng ka matheba. (9)
- 8 Hlapa (7)
- 7 'Mala oa khomo o botšo bo bothokoa. (5)
- 9 Khomo e phatšoana bo bohlabana. (6)
- 10 Khomo e khunong e kopaneng le bosoeu bo boholo. (4)
- 11 'Mala oa pere. (4)
- 12 Khomo e botšo bo lefifi. (4)
- 13 'Mala oa khomo o motšo bo bosoeu bo tšang ka matheba. (6-6)

HO EA TLAASE

- 1 Tlala (8)
- 2 Motho ea eteletseng pele sehlopha se itseng sa pina joaloka mohobelo le mokhibo. (8)
- 4 Ntja (7)

THAROLLO

MoB 93-4585





TSA KEREKE

Kopano ea Maoblata e'a keteka

Tšeliso Thakholi

Litho tsa Kopano ea Maoblata a Maria ea se nang Seko- li li ketekile seho- potso sa selemo le selemo sa Mohlomi oa Kopano ea bona e leng Eugene de Mazenod ea Halalelang, moketeng o bileng Setsing sa Maoblata, Mazenod ka la 21 Motšeanong monon- goaha.

Maoblata moketeng ona a ne a bile a keteka le ho rapella setho sa ona se qetang jubilee ea lilemo tse 25 tsa boprsta e leng Fr. Koenane Stephen Molefi OMI le ho amohela mabone a ileng a hlohonolofatsoa ke Ramaoblata Fr. Sydney Mothusi Boatile OMI e le pontšo ea leseli la ho ea in- ahana bocha, e le litho tsa



“Leha u ka bona e ka ha u’a behoa sebakeng se nepahetseng, Kopano e na le mesebetsi e mengata, eo e lokelang ho e etsa. U bohlokoa ka hohle-hohle

har’a bona le bophelong ba bona.

Kamor’a Sehlabelo sa ‘Missa mokete o ile oa tsoe- lapele ka lipuo, moo Ra- maoblata a boleletseng litho tsa Kopano hore ha ba ntse ba etsa liketso tse lokileng le ho bua lipolelo tse lok- ileng ebile ba ntse ba qoba tse ka re khelosang ho lo- keng, “re na le likamano tse ntle le Moea o Halalelang, ‘me re sebetsa hantle le ona joaloka Mohalaleli Charles Eugene de Mazenod eo re mo ketekelang.”

A re tebello ke hore ha litho li ntse li keteka mokete oa mofuta ona, li memeloa le ho hopola matla a Moea o Halalelang ho bona, ‘me ba ele hloko lipuo le liketso tseo ba li etsang le lintho tse ling tseo ka linako tse ling e bang ba li etsa hore li se ke be tsa sitisa Moea o Ha- lalalang ho sebetsa.

Fr. Stephen Molefi OMI ea neng a keteka Jubile ea lilemo tse 25 tsa boprsta puong ea hae o lebohile bohle ba ileng ba mo tšehetsa ho fihlela mona. A re o keteka Jubilee ea lilemo tse 25 ka Selemo se Ha- lalalang, ‘me ka mokhoa o tšoanang leha a tlotsetsoa Boprsta bo Halalelang e ne e ntse e le ka Selemo se Halalelang, “empa sena ha se bolele hore ke betere ho feta ba bang.” A re Jubile ke nako ea thabo, ea teboho le ho hetla morao moo motho a tsoang teng le ho sheba moo a eang teng. A leboha bohle ba mo tšehelitseng ka lithapelo.



Kopano ka Buka ea Molao oa motheo oa Kopano e tla beng e qeta lilemo tse 200 isao e ne e analeloe ka mo- lao.

Mokete o ile oa qala ka Sehlabelo se Halalelang sa ‘Missa se neng se eteletsoe pele ke Ramaoblata. Khothatsong ea hae Fr. Paul Khatala OMI o bo- letse hore litho tsohle tsa kopano li bohlokoa haholo ha feela li utloisisa mohoo oa Kopano e leng oa Mo- halaleli Charles Eugene de Mazenod ea ketekeloang kajeno.

‘me u tšoanetse hore u etse mosebetsi oo oa Kopano.” A rialo a bile a eketsa ka hore taba ea mantlha ke hore litho li hopole bohlokoa le boina- hano ba bona ka Kopano. A re ba lokela ho hopola hore boteng ba bona kahare ho Kopano ke ho tla sebeletsa Morena Molimo le sechaba sa hae. A ba khothaletsa ho lula ba nyakurela ka mehla Buka ea Molao oa Motheo oa Kopano e le hore ha ba kena ketekelong ea lilemo tse 200 isao tsa ho anane- loa ha eona ba be ba utloisi- sa seo meloa e se bolelang

2024-2025 SELEMO C

SONTAHA SA 6 SA PASEKA



Liketso 15:1-2.22-29

Pesalema 66

Tšenolo 21:10-14.22-23

Joannes 14:23-29



Khothatso

Ka Moea o Halalelang, oa botho le oa Bokriste

Lithuto tsa kajeno li na le lintlha tse tharo tse atamellaneng haho- lo; ka moea oa Bokriste bohle le memeloa ho etsa lintho tsohle ka Moea oa Kriste. Ka mantsoe a mang ho thoe; le tsamaee moeeng oa Bokriste, le etse tsohle ka moea ‘me qetellong le tsamaee moeeng oa Mopholosi, Kriste Jesu.

Ekaba ho boleloa’ng ka ho tsamaea moeeng oa Bokriste? Taba ena e bua ka makhabane a itseng ‘me har’a ona re ka qolla a bohlokoa haholo e leng bonngoe, bo tlišang khotso le mofuthu, tse tlišang matla ebe ona a tsoala phehello tumelong ea mokriste. Qetellong joale Bakriste ba amohela moputso e leng bophelo bosafeleng le pholoho ka Kriste.

Mohlomong ba bang ba lona ba ka ipotsa hore na Mangolo a Ha- lalalang a bolela’ng ka bophelo bosafeleng. Evangeling ea Joannes ho hlaha mantsoe ana, “Bophelo bosafaleng ke hore ba u tsebe u le Molimo oa ‘nete ‘moho le Jesu Kriste eo u mo rometseng lefatšeng.” (Joannes 17:3) Ka hona bophelo bosafaleng ke “ho tseba Molimo,” ‘me “ho tseba Molimo” “ke ho ba le likamano le Eena.” Ka lebaka lena Bibile ha e bua ka bophelo bosafeleng ba ‘Muso oa Molimo, ke mabapi le ho pholoso le ho boha sefahleho sa Morena ka bosafe- leng.

Le utloile Thutong ea Pele hore moea oa Bokriste ha o itlhahele feela tjena, empa motho o lokela ho o batla ka ho phetha Thato ea Molimo Ntate le ho ela hloko boetapele ba Kereke. Mehlang ea pele ea Kereke batho ba ne ba ruta Judea hore ha ho motho ea ka pholo- hang ntle le hore a bolotsoe holatela Melao ea Moshe. Ka ho batla ho latela Thato ea Morena, Paulosi le Barnabas ba romela batho Jerusalema ho baapostola ho botsa ka taba ena, ‘me bona ba ro- mela Barsabase le Silas. Liketso tsena li bontša moea oa Bokriste. Evangeling o tla hlokomela bonngoe ba Bokriste ho ba ileng ba ma- mela taelo ea Kriste, ‘me eona ke ena, “Ea nthatang o tla boloka lentsoe la ka, Ntate o tla mo rata ‘me re tla aha lehae ho eena.” (Joannes 14:23) Batho ba ratang Kriste ba moea o mong le ba ma- melang molao oa hae. Ka ho kopana ha lona likerekeng le bontša moea oa Bokriste, ka kopano ea tumelo le khobokana ‘moho ho adora le ho khumamela Morena Molimo.

Bohle bao e leng balumeli ba biletsoe ho etsa tsohle ka moea, ‘me lintho tse etsoang ka moea li ke ke tsa arohanngoa le kamohla. Ke ka Moea oa Kriste le tsoetsoeng, la etsoa libopuo tse ncha eaba le susumetsoa ho etsisa lerato la hae bathong ba bang. Kantle ho moea ona ho hlakile hore le ka be le sa phele ho hang moeeng. Se- belisang moea o tšoanang ho ba le bonngoe ka moea oa Bokriste, hobane le tla etsoa ba tšoanang le Kriste. Ha le lumella Moea o Ha- lalalang ho sebetsa ka ho lona, mesebetsi ea Morena Molimo e tla phethahala ka lona, ha le ikokobetsa ‘me le mamela Kriste. Bekeng ena hopolang hore ka Eena eo e leng Moea o Halalelang lintho tsohle li tsamaisoa moeeng ‘me li beha litholoana tsa moea, ebe uena ka moea oa botho u etsa mesebetsi e metle molemong oa Kereke eohle, joale ho rona kaofela ho khanya moea oa Bokriste o bontšang bonngoe ba meea e arabetseng pitso ea Morena.

Bahalaleli har’a Beke

26	Motšeanong	Philip Neri
27	Motšeanong	Bruno
28	Motšeanong	Accidia
29	Motšeanong	Conon
30	Motšeanong	Joan oa Arc
31	Motšeanong	Vitalis

MZHS e hlatsoa jesi

Tšeliso Thakholi

Sekolo se Phahameng sa Mazenod(MZHS) se tsoile majahong oa ho hapa litlholisano tsa Mohope oa Alliance High School Challenge tse ileng tsa tsoela pele ka katleho e kholo literekeng tse 'ne tsa naha kamor'a ho tetekea ke Sekolo se Phahameng sa Christ the King(CKHS) ka phafa ea 2-0, papaling ea pele e neng e thakhola lipapali tsena, e bileng Leb-aleng la Setsi sa Tlhabollo ea Batšoaruoa(LCS), Maseru ka la 18 Motšeanong 2025.

MZHS e ne e hlasela haholo empa e ile ea hloleha ho akhela bolo ka letanteng la CKHS leha bobeli li ne li bapala hantle haholo. Kamor'a papali ena Mokoetlisi oa MZHS Monghali Tebo-



ho Makhate o itse leha e le mona ba lahlehetsoe ke papali ena, empa o motlotlo haholo ke tsela eo sehlopha

ka tsela e khethehileng hore ebe re tsamaile leeto lena ho tla fihla mona." A rialo.

A re libapali li bohlokoa haholo hobane ka tsona ba phutha bana seterateng le ho etsa hore likelello tsa bona tseo e saleng li lula ka sekolong li hlabollehe e le hore ha ba khutlela hape likelello le 'mele li be li sebelitse. "Ho e-na le ha ba lutse feela ho se letho leo ba le etsang hoo ba ka qetellang ba kene linthong tse kotsi le mekhoeng e fosa-hetseng." O boletse joalo a bile a phethela ka hore ka chelete e kalo ka M750.00 eo sebakali se ipabotseng ka makhabane a sona se e fumanang lipapaling tsena e boetse e tliša phetoho e kholo bophelong ba sebakali.

Papali e hlahlamang e bile lipakeng tsa Sekolo se Phahameng sa Thabeng le sa Maseru moo Thabeng e ileng ea hapa papali eo thahong ea mekoko ka 4-2 ha li tsoile ka lebaleng li bapetse ka seahlolo sa 2-2. CKHS ea boela ea kopana le Sekolo se Phahameng sa Maseru e le ho khetha e tla emela Setereke sa Maseru. Eaba Sekolo se Phahameng sa Maseru se tsoa ka lesoba la nale ka 1-0, metsotsong ea ho qetela ea papali. Ka hona Sekolo se Phahameng sa Maseru ke sona se tla emela Setereke sa Maseru moo e tlang ho bapala le bahloli literekeng tsa Leribe, Berea le Mafeteng ho tseka bompoli ba mohope ona. Ngoahola mohloli e bile Sekolo se Phahameng sa Masianokeng se ileng sa hloloa ho sireletsa sekola monongoaha.

Papali e hlahlamang e bile lipakeng tsa Sekolo se Phahameng sa Thabeng le sa Maseru moo Thabeng e ileng ea hapa papali eo thahong ea mekoko ka 4-2 ha li tsoile ka lebaleng li bapetse ka seahlolo sa 2-2. CKHS ea boela ea kopana le Sekolo se Phahameng sa Maseru e le ho khetha e tla emela Setereke sa Maseru. Eaba Sekolo se Phahameng sa Maseru se tsoa ka lesoba la nale ka 1-0, metsotsong ea ho qetela ea papali. Ka hona Sekolo se Phahameng sa Maseru ke sona se tla emela Setereke sa Maseru moo e tlang ho bapala le bahloli literekeng tsa Leribe, Berea le Mafeteng ho tseka bompoli ba mohope ona. Ngoahola mohloli e bile Sekolo se Phahameng sa Masianokeng se ileng sa hloloa ho sireletsa sekola monongoaha.

Papali e hlahlamang e bile lipakeng tsa Sekolo se Phahameng sa Thabeng le sa Maseru moo Thabeng e ileng ea hapa papali eo thahong ea mekoko ka 4-2 ha li tsoile ka lebaleng li bapetse ka seahlolo sa 2-2. CKHS ea boela ea kopana le Sekolo se Phahameng sa Maseru e le ho khetha e tla emela Setereke sa Maseru. Eaba Sekolo se Phahameng sa Maseru se tsoa ka lesoba la nale ka 1-0, metsotsong ea ho qetela ea papali. Ka hona Sekolo se Phahameng sa Maseru ke sona se tla emela Setereke sa Maseru moo e tlang ho bapala le bahloli literekeng tsa Leribe, Berea le Mafeteng ho tseka bompoli ba mohope ona. Ngoahola mohloli e bile Sekolo se Phahameng sa Masianokeng se ileng sa hloloa ho sireletsa sekola monongoaha.

E tla tšoara tsa boithapollo



Tšeliso Thakholi

Sehlopha sa Papali ea Senuka sa Sunshine se tla tšoara lipapali tsa boithapollo Khubetsoana Seterekeng sa Berea mafelong ana a beke ka Sontaha sa la 25 Motšeanong monongoaha, tseo morero oa tsona e leng ho hlabolla libapali tsa mehleng tsa Senuka le ho holisa papali ena.

Ho ea ka mohlophisi oa lipapali tsena ebile e le sebakali Monghali Refiloe Ramponyane, ke ka lilemo tse fetang leshome papali ena e bonahala e hola ka potlako kaha e se e ane-

tse litereke tse leshome tsa naha, empa libapali tsa khale tseo e leng tsona tse hlahisitseng tse ncha li se li lahliloe kharehloa joaloka 'moko oa pere. "Ke ha re tla ikopanya ho tla itlhabolla le ho matlafatsa papali ena eore e ratang molemong oa meloko e tlang." A rialo.

A re ho hola ha eona ho bonahetse hore ho bohlokoa bakeng sa bahoebi kaha batho ba tloha libakeng tsa habo bona ho tla libakeng tseo litlholisano li tšoareletsoeng teng, e leng matlong a thitelo ho tla bapala. "Le rona re ntse re il'o bapalla khoepong e 'ngoe ea lino le lijo moo re tla tloha teng re mo sietse chelete ho fetola bophelo ba hae le ho holisa moruo." O boletse

joalo a bile a eketsa ka hore papali ena e boetse e kentse le bohahlaoli le melemo e meng e mengata.

O bontšitse ha boithapollo bona bo buletsoe libapali tsohle tsa mehleng le tse ncha ho tla bapala 'moho, e le ho tla ba hlahlella ka malebela. O hlalositse hore bacha ba bangata ba na le thahasello e kholo papaling ea Senuka, empa qholotso e kholo ke tlhokahalo ea mabala a papali ena. Ka hona ba batla ho e holisa hore e tle e qetelle e na le mabala joaloka lipapali tse ling tse teng kahar'a naha.

"Ke boetse ke tiisa hore ha re khethe nku ka pere lipapaling tsena banna, bahlankana, banana, baroetsana le basali ba lumelletsoe

ho tla itlhabisa." A rialo a bile a thathiselletsa ka hore le bao e bang ba qala ho bapala papali ea Senuka le bona ba amohelohile hobane seo ba se hlokang ho se arolelana ke thuto e le ho holisa papali ena.

Ntle le lipapali tsena tsa boithapollo, Ramponyane o bontšitse hore maikemisetso a bona le bo-mphato'ae ke ho qala papali ena Likolong tsa Mathomo. A bontša hore tataiso e tla ba teng e le ho ba ruta mekhoea ea ho ikoetlisa le maqiti a ho e bapala. "Basali ba se ba bapala papali ea Senuka lefatšeng joale Lesotho ha se mokhelo le lona, ka hoo le mona re shebile ho koetlisa le ho theha lihlopha tsa banana haholo." Ke eena eo.

Ha re rekise sehlopha-Sehlabaka



Tšeliso Thakholi

Motlatsi oa President ea Sehlopha sa Bolo ea Maoto sa boemo ba A Division sa FC Summit ‘Mpulule’ ka moo e reneketoang ka teng, Monghali Tšepo Sehlabaka o re botsamaisi ba sehlopha sa habo ha bo e-s’o be boemong ba ho rekisa sehlopha kaha e le hona ba tla batla boeletsi moo sehlopha se ikarabellang teng e leng ka LeFA, e le hore ba tle ba tsebe ho tsamaea ka methati e nepahetseng, nakong eo ba ka fihlelang qeto

e joalo. O buile tsena puisanong le motlalehi oa Koranta kamor’a ho fumana menyenetsi ea hore sehlopha se rekisitsoe moo a itseng taba ea mabare-bare a hore sehlopha se rekisitsoe ha se lekhetlo la pele e fihla litsebeng tsa bona e le botsamaisi. A re ngoahola taba ea mofuta ona e ile ea ‘na ea ipetsa hohle mona. “Rea ipotsa hore na beng ba litaba tsena, e leng hore ha ba rate ha re ka iphuma-na re le lihlopheng tse kholo?” Ho botsa Sehlabaka. A tiisa hore ho se ho fihlile beng ba lihlopha tse ‘ne tsa Mokhahlelo oa B Division ho hlaha Maseru, St. Mon-

ica’s, Machache le Roma ba seng ba behile nkho selibeng ka hore ba batla ho

reka FC Summit. A re taba ena ke hona ba ntseng ba e hlahloba hantle kaha ba batla ho nepa tsamaiso ea theko le thekisetano ea lihlopha. “Re sa ntse re e batla ka mahlakore ohle a tsamaiso ea bolo ea maoto, e le hore re tle re se ke ra iphumana re le ka moo thakali e fatelang.” A rialo. A bontša hore hantle morero oa bona ha se ho rekisa sehlopha kaha takatso ea bona e le ho lokisa sehlopha hore selemong se secha sa lipapali sa 2025/2026, ha se fela ba be ba le kahare ho lihlopha tsa Liki e Kholo ea Premier, empa haeba ba ka iphuma-na maemo a ba qobella ho

se rekisa ba tla etsa joalo feela ba latetse methati e nepahetseng ea thekisetano ea lihlopha. A phethela ka hore monongoaha ba tlii’o ithlopha haholo kaha ba batla ho kena lihlopheng tse kholo. Ka hona a bontša hore ngoahola sehlopha ha sea ka sa sebetsa hantle kaha qholotso e kholo eo mokoetlisi a ileng a kopana le eona e bile hore karolo e kholo ea libapali e ne e-ba sieo nakong ea boikoetliso ka lebaka la mesebetsi. A re sena se ile sa ama sehlopha haholo. “Monongoaha re tlii’o sebetsa ka thata ho leka ho loantša boemo boo.” Ke Sehlabaka eo.



LMPS e phahamisa mohope

Tšeliso Thakholi

Sehlopha sa Bolo ea Maoto sa Quthing LMPS se ipakile hantle hore ha se potele e khoathoang ka lehlaka, ha se ne se hahara limentlele tsa Khauta le Mohope oa Nedbank 8 Cup ka kakaretso ea lintlha-kholo tse tšeletseng, lipapaling tsa makhaola-khang tsa matsatsi a mabeli tse qalileng Lebaleng la Bambatha Sports Arena, Maseru ka la 16 ho isa la 17 Motšeanong 2025. Quthing LMPS e khutletse habo eona Seterekeng sa Quthing hlathe e lelekisa tsebe ke thabo ka sabu-sabu ea chelete e kalo ka M35,000.00 kamor’a ho poqa le ho hobosa sehlopha sa Kick4Life Juventude thahong ea mekoko ka phafa ea 3-1, ha ka lebaleng li tsoile li pitikisa mahe. Let-satsing la Moqebelo Quthing LMPS e ile ea kokobetsa bompoli ba Liki e ka Leboea ea A Division e leng Maroala ka ho e shapa ka thupa e

bohloko ea 1-0. Sehlopha sa Qoaling Highlanders seo e neng e le sona lithatohatsi litlholisanong tsena, se ile sa nyahamisa le ho khathatsa matla barati le batšehetsi ba sona ba neng ba tlike ka bongata ho tla se tšehetsa, ha se ne se poqoa ke Maroala ka

phafa ea 2-1 e neng e-s’o hlole leha e le papali e le ‘ngoe ho tloha ha li qala ka Moqebelo. Haele papali ea makhaola-khang e neng e hlile e shebiloe ka leiho le nchocho ea Quthing LMPS le Kick4Life Juventude e bile e neng e khahla mahlo haholo

kaha Kick4Life Juventude e ne e batla ho hlakola sekho-bo sa ngoahola sa ho hlo- loa ke Members lipapali tsa makhaola-khang a mohope ona. Empa ka bomalimabe nalane e boetse ea iphe- ta ka ho hloloa ke Quthing LMPS, e bapetseng bolo e tsoileng matsoho.

Le hoja ho ne ho se sehlopha se imetseng se seng papaling eo, Kick4Life Juventude e hlotsoe ke menyetla e mengata hoo e ka beng e entse hore Quthing LMPS e khutlele habo eona Quthing tšiba ho lla tse ka mahafing. Leha e ne e bapala hantle haholo ka lebaleng bothata bo boholo e bile thahong ea mekoko moo ho bana- hetseng hore bahlankana ba ne ba sa itokisa hantle kaha ba hlotsoe ho hlaba mekoko e meraro kaofela. Ha lipapali li fihla pheletsong Kick4Life Juventude e ile ea hlaha boemong ba bobeli ea ikhapela chelete e kalo ka M30,000.00 le limentlele tsa Silifera, borarong ea eba Maroala ea hapa M25,000.00 le limentlele tsa Bronze, ha boneng e bile Qoaling Highlanders e ileng ea khaketsoa M23,000.00. Haele lihlopha tse ileng tsa tsoa mokhahlelong oa tse robeli e leng Swallows, Litšilo, Litšehlo le bompoli ba ngoahola ba hlotsoeng ho sireletsa sekola e leng Members, li ile tsa hlakol- loa meokho ka ho fua M20,000.00 sehlopha ka seng. Ho boetse ha e ba le meputso ea libapali tse ipabotseng mekhahlelong e fapakaneng.

